



Autor: anr/abc  
La Quotidiana  
7007 Chur  
tel. 081 920 07 10  
www.suedostschweiz.ch

Auflage 4'105 Ex.  
Reichweite n. a. Leser  
Erscheint 6 x woe  
Fläche 31'603 mm<sup>2</sup>  
Wert 1'200 CHF

## Varga 450 purziuns risot

La Ghilda dils cuschiniers etabli ha cuschinau a Glion

■ (anr/abc) Uonn ei igl interprender da transports Martin Montalta staus en acziun sco gidonter. Ensemen cun cuschiniers ed ustiers da Sedrun tochen Laax ha el surviu alla fiera da rauba da Glion in gustus risot – per ina buna ovra. Diesch gastronoms ein stai sil plaz per l'acziun tradiziunala alla fiera digl october. Sin piazza cumin a Glion ha il stan dalla secziun sursilvana dalla Ghilda dils cuschiniers etabli dalla Svizra svegliu grond interess. Per biars eis ei ina biala tradiziun dil meins d'october ed els vegnan da lunsch per se-

participar all'acziun. Ins sto numnadamein buca seduvrar da luvrar e s'engaschar per ina bun'ovra. Aschia han numerus passants e visitaders cumbinau il deletg culinaric cun ina bun'ovra. Diesch gastronoms da Rueras, Breil, Andiast, Cuort/Sursaissa, Schnaus e Glion han delectau els cun in gustus risot cun zetgas. Ins ha saviu mirar direct ella cazzetta nua ch'els han barsau giu il ris ed aschuntau las ingredienzas. Els han turschau e turschau naven dallas 10.30 tochen suenter las 14.00. Trasora ha lur gidonter *Martin Montalta* giu

da survir e dar ora els tagliors la gustava tratga. La Ghilda ha vendiu quella per in prezi favoreivel da siat francs. Sco quei ch'ils cuschiniers han confirmau han els duvrau 38 kilos ris e preparau cun quels varga 450 purziuns risot. Il recav dall'acziun va uonn puspei a favur da duas instituziuns. Inagada ei quei la Societad svizra da Multiple Sclerose, l'autra mesadad surdat la Ghilda sursilvana all'uniun Momo da Glion. Quella s'engascha per affons e giuvenils malsauns che ston restar pli liung temps el spital.



Ils commembers dalla secziun sursilvana dalla Ghilda dils cuschiniers etabli dalla Svizra. Silla foto mauncan Cornelia e Tino Zimmermann da Schnaus e Vreni Werth da Mustér.

FOTO A. BEELI